


鹽泉縣志

元

境泉豐

豐泉縣境圖






禮泉縣志圖

五

洪堰總圖 清冷河水附

九



醴泉縣志目錄

卷第一

縣屬一 鄉屬二

卷第二

山屬三 水屬四 水利五

卷第三

陵墓六

卷第四

廟屬七

卷第五

官屬表八

卷第六

戶口賦稅九

卷第七

學校十 兵十一

卷第八

間人十二

卷第九

列女十三

卷第十

科貢等表十四

卷第十一

金石十五

卷第十二

雜聞十六

卷第十三

藝文十七

卷第十四

序錄十八

圖八章

廣東縣志目錄

醴泉縣志序

一方之志始于越絕後有常璩華陽國志越絕先記山川城郭
冢墓次以紀傳華陽國志則有郡縣廢置李吉甫元和郡縣志
樂史太平寰宇記體例最善吉甫則不引古書樂史全用舊說
尤廣異聞而有土產人物其後善者則宋敏求長安志羅願新
安志等關中地大物博宜有善志而世所傳康海武功志韓邦
靖朝邑志皆以意排纂漫無體例由明世書傳少出學士大夫
爭以空言相尚不重舊聞無足怪焉醴泉漢爲谷口後漢至晉
則入池陽池陽又兼今涇陽縣地舊之作志疆域不分則故寔
雜則又昭陵陪葬凡百其人文獻通考及昭陵圖長安志等傳
寫名字尚有烏焉何况俗志古時金石凡有百通存者不下數
十好古之士不由親歷考訂亦難于是縣之士民懼舊典之佚
墜喜新政之可記請修志乘以示將來蔣令騏昌申上其事于
嘉而許之由之大夫誦詩授政是以登高能賦遇物能名觀今
志所採有唐會要新舊唐書十七史地志李吉甫杜佑樂史等
志前之作者皆未之及也若昭陵在縣境予向請

齋修葺又傍常加築護具有石碣建立碑亭近又東西豎碑紀
列所存名位及志冢墓文凡將使後人守而勿壞予與蔣令皆
有勞焉尤爲政之急務惡可以不志與乾隆癸卯春日兵部侍

郎兼都察院右副都御史巡撫陝西西安等處地方
兼理糧餉加五級畢沅序于終南仙館

醴泉縣志卷第一

醴泉縣知縣蔣騏昌

陽湖孫星衍同撰

縣屬第一

醴泉縣隋置古寒門地

封禪書云公孫卿曰黃帝接萬靈明廷明廷者甘泉也所謂寒門者谷口也寒徐廣曰一作塞

服虔漢書注云黃帝升仙之處也顏師古云仲山之北寒涼故謂此谷為寒門也

周曰焦獲

詩六月云玃狁匪茹整居焦獲傳云焦獲周地接于玃狁者爾雅十藪云周有焦獲郭璞云獲音護今本爾雅脫此二字而字作護据文選注

醴泉縣志卷第一

增今扶風池陽縣瓠中是也

括地志云焦獲藪亦名瓠中在涇陽北城外見史記正義

秦曰谷口亦曰瓠口

戰國策云范雎說秦王曰大王之國北有甘泉谷口

河渠書云水工鄭國鑿涇水自仲山西邸瓠口為渠

水經注云渠首上承涇水於仲山西邸瓠口所謂瓠中也爾

雅以為周焦獲矣

括地志云按九峻山甲山西謂之谷口即古寒門也在雍州

醴泉縣東北四十里見史記正義

顏師古注漢書云谷口仲山之谷口也漢遂為縣今呼之治

谷是也

史記索隱云瓠口即谷口郊祀志所謂寒門谷口是也與池

陽相近

四夷郡縣道記云九峻山東連仲山西當涇水出處故謂之谷口見太平寰宇記

太平寰宇記云水經注九峻山東仲山西謂之谷口卽寒門也指謂此耳今按雲陽治谷水所出亦謂之谷口

李好文長安圖說云洪口卽谷口也前代已有是名方言云石阻河流爲洪又蜀人謂水口爲洪今縣有射洪徐有呂梁洪義與此同

舊志云谷口在縣東北七十里洪口堰在縣東北六十里星衍按谷口後亦曰洪口寒門亦曰洪門寒獲瓠谷洪五聲皆相近

騏昌按長安志引雲陽宮記曰治谷去雲陽宮八十里封禪

醴泉縣志卷第一

書所謂谷口是也漢唐雲陽是今淳化縣南與醴泉爲界故治谷水涇水所出之處俱得謂之谷口也

漢置谷口縣屬左馮翊爲劇縣莽曰谷喙

史記年表大事記云孝文後元三年置谷口邑

班固地理志左馮翊縣有谷口莽曰谷喙

游俠傳云原涉爲大司徒史丹舉龍治劇爲谷口令

通典云醴泉漢谷口地

元和郡縣志云醴泉縣本漢谷口縣地

後漢并池陽縣

司馬彪郡國志左馮翊縣有池陽

元和郡縣志云谷口縣後漢又爲池陽縣

星衍按許君說文解字有云馮翊谷口者據前漢地理而言

又按郡國志曰凡前志有縣名今所不載者皆世祖所并省也

魏因之

長安志云谷口縣魏爲池陽縣

騏昌按元和郡縣志太平寰宇記但云後漢及晉爲池陽不言魏是其疏

晉屬京兆後屬扶風爲郡治

沈約州郡志云池陽晉太康地志屬京兆僑立亦屬京兆

晉書地理志扶風郡縣有池陽

載紀云永嘉四年劉曜攻陷池陽

元和郡縣志云醴泉縣漢谷口縣地晉爲池陽縣

宋僑郡屬雍州後屬新野太守

醴泉縣志卷第一

三

沈約州郡志云雍州僑郡永初郡國有池陽

又池陽令屬新野太守孝明中土斷又屬此

騏昌按後漢魏晉宋池陽縣兼今涇陽三原二縣地醴泉其

東境

後魏改寧夷縣屬咸陽郡

地形志咸陽郡縣有寧夷

隋地理志云醴泉後魏曰寧夷

元和郡縣志云池陽縣後魏改爲寧夷縣

長安志云後魏武帝于谷口置溫秀寧夷二護軍改池陽爲

寧夷縣隸咸陽郡

西魏置寧夷郡

隋地理志云醴泉西魏置寧夷郡

長安志云云同

周曰秦郡後廢亦新時甘泉二縣地

隋地理志云醴泉縣後周改爲秦郡後廢又以新時甘泉二縣入焉

長安志云寧夷郡後周改爲寧秦郡

騏昌按長安志則隋志脫寧字

隋改寧夷曰醴泉初屬雍州後屬京兆郡

隋地理志京兆郡縣有醴泉云後魏曰寧夷開皇十八年改縣名醴泉

元和郡縣志云寧夷縣隋開皇十八年改爲醴泉縣以縣界有周醴泉宮因以爲名

劉昫唐書地理志云醴泉隋寧夷縣後廢

太平寰宇記云云同

長安志云隋改寧夷縣爲醴泉縣隸京兆郡以縣界有漢醴泉宮因以爲名方輿記曰漢宣帝時開泉味如酒故以名縣亦漢宮之名也

騏昌按開皇三年廢京兆尹置雍州煬帝改爲京兆郡是此縣先屬州後改郡又按隋縣卽唐治

星衍按漢醴泉宮云云宋敏求及方輿記皆誤周爲漢元和郡縣圖志太平寰宇記並云以周醴泉宮名循檢書傳漢時無醴泉宮也漢宣帝當爲周宣帝太平寰宇記又曰永壽縣醴泉苑在縣東北十里并宮並周所立是已

唐武德元年仍屬雍州析置溫秀縣

劉昫唐書地理志云武德元年分醴泉置溫秀縣

騏昌按魏王泰括地志有云雍州醴泉縣者據武德時言之
二年分置好時縣

劉昫唐書地理志云武德二年分醴泉置好時縣
騏昌按好時今乾州自唐以前醴泉兼今乾州境自此以後
始如今縣境也

縣廢

長安志武德元年析置溫秀縣後省醴泉新唐書地理志云
云同

三年分始平縣復置屬雍州

劉昫唐書地理志云武德三年分始平置醴泉縣
星衍按新唐書地理志醴泉下闕載是其疏

貞觀十年復析雲陽咸陽二縣以爲縣境

醴泉縣志卷第一

五

劉昫唐書云貞觀十年置昭陵于九峻山因析雲陽咸陽二
縣置醴泉縣

長安志云貞觀十年營昭陵析雲陽咸陽二縣復置醴泉縣
新唐書地理志云云同

騏昌按劉昫旣云武德三年分始平復置醴泉則縣已自武
德時置矣又有云貞觀十年復置者蓋以雲陽咸陽廣其境
與

光宅元年分置奉天縣

元和郡縣志云奉天縣光宅元年割醴泉等縣置

劉昫唐書云奉天文明元年以管乾陵分醴泉置

騏昌按文明元年九月則武后光宅元年也奉天今乾州唐
初亦爲醴泉境

星衍又按元史地理志曰唐改醴泉爲奉天改當云分天授元年屬京兆郡二年屬鼎州

劉昫唐書云天授元年改雍州爲京兆郡其年復舊二年分

醴泉等縣置鼎州

今本字誤作宜州

太平寰宇記云天授二年以雲陽置鼎州以醴泉等縣屬焉長安志云醴泉縣天授元年隸鼎州

騏昌按長安志作元年元當爲二字之誤也

久視元年還屬雍州

太平寰宇記云鼎州久視元年廢州縣仍隸府

長安志云醴泉縣大足元年還隸雍州

騏昌按樂史云隸府當云隸雍州

開元元年屬京兆府

劉昫唐書云開元元年改雍州爲京兆府

廣德元年升爲赤縣

唐會要關內道新升赤縣醴泉縣廣德元年五月一日升

長安志云醴泉縣廣德元年升爲赤縣

元和中爲次赤縣

元和郡縣志云醴泉縣次赤

新唐書地理志同

乾寧中覃王出鎮以縣屬尋復舊

太平寰宇記云乾州乾寧中以覃王出鎮建爲威勝軍割醴

泉等縣以隸焉

長安志云乾寧二年置乾州及覃王出鎮又以畿內醴泉等

縣隸之尋復舊

梁屬威勝軍

長安志云乾州梁乾化中升為威勝軍析醴泉等縣以隸焉
後唐同光三年遷京兆府

太平寰宇記云莊宗同光年中醴泉縣還京兆府

長安志云後唐同光二年其武功醴泉二縣還京兆府

晉漢屬仍屬京兆府

太平寰宇記云京兆府晉天福中改為晉昌軍漢乾祐初改
為承興軍其京兆府仍舊

五代史職方考云同又曰則因之

宋因之為次畿縣

太平寰宇記云醴泉京兆府縣

長安志云本朝京兆府有醴泉又云醴泉縣今次畿

醴泉縣志卷第一

七

政和八年屬醴州

宋史地理志醴州縣有醴泉云本屬京兆府政和八年三月
割屬醴州

金屬乾州

金史地理志乾州縣有醴泉云宋嘗改為醴州天德三年復
元因之為下縣

元史地理志乾州縣有醴泉下又云至元五年復置奉天後
又改奉天為醴泉

明初隸乾州後直隸西安府為沖煩縣中

明圖經乾州縣有醴泉沖煩中

明史地理志西安府縣有醴泉云元屬乾州嘉靖二十八
十一月改屬府